

TC 49100.22406

HARVARD COLLEGE LIBRARY

FROM THE
HARVARD-YENCHING
INSTITUTE

FEB 18 1928

417 4171

卷一之八

三石齋集獸性木記

二王史徵

釋奠考

月令演

陸朱果紀年論

臆傳紀事

歷代甲子攷

韻史

檀凡昭代叢書

十四

自出卷起至末卷
皆檀凡叢書

檀几叢書

檀几叢書序

天下非無書可讀之爲難而聚書爲難非徒聚書之爲難而聚而傳之之爲難聚之者所以供我之讀傳之者所以供天下千萬世人之讀也夫書之爲類亦至不一矣有翼經者有論史者有莊語者有諧語者有談飲讌者有識物產者有能維風化者有能廣見聞者有足供吟嘯者有足資考訂者我一人讀之而樂則天下之人讀之而樂從可知矣天下之人讀之而樂則千萬世之人讀之而樂亦從可知矣夫至天

下與千萬世之人皆讀之而樂則著書者之心與聚書者之心不咸大慰乎哉夫天下人之心猶我一人之心也昔之人有其書焉昔之人爲之聚而傳之如漢魏叢書如唐人小說如津逮秘函如百川學海如說郛如秘笈如快書五十種我今日得而讀之因有以知昔人之心必甚樂乎我今日之讀之也則今人所著之書今日爲之聚而傳之非謂著書者之賴我而傳蓋謂所著之書不能聚於一室卽能聚於一人而不能聚之人人苟能使天下後世之人咸莫不有

讀書之樂則聚而傳之者之心不更大樂乎哉吾知世之得是編者逃者讀之而悟儉者讀之而腴愁者讀之而喜狂者讀之而息拘者讀之而曠躁者讀之而靜病者讀之而瘳憤者讀之而平倦者讀之而起寂者讀之而慰鬱者讀之而爽悲者讀之而忘孤者讀之而偶怯者讀之而壯其始也以聚而傳之者之心博讀者之樂其旣也以讀者之樂償聚而傳之者之心則是編也其爲功於作者猶小而其爲功於讀者則甚大矣余之蓄此志也蓋已有年所恨藏書不

廣搜輯維艱甲戌初夏於湖上晤王君丹麓廿載神交不期而會固已大樂而丹麓復出此編相示披覽一過則所爲翼經者有之論史者有之莊語者有之諧語者有之談飲讌者有之識物產者有之以維風化以廣見聞以供吟嘯以資考訂者莫不各各有之予復增入數種以公同好初非爲吾與丹麓兩人之計而實所以爲天下萬世讀書者之計也

康熙乙亥七夕新安張潮題於揚州之詒清堂

禮部叢書序

天地之山川雲物終古不變而才人生於其間則耳目之所歷心思工妙日出而不窮考古證今著之爲書雖汗牛充棟不足以名其繁重也然而傳於世者或寡其湮滅散佚者蓋不可勝紀幸而傳於世矣又不數十百年不復更傳如唐四庫書目至宋已亾失始半此歐陽永叔所以有榮華好音之感也予簡棄人事屏居北郭獨四方賢士大夫不相選遺率以文橐持贈累書若城予日翛然坐牆東草堂中肆而觀

之曩旣彙其文之雋永者刊文津一書問世并取經世鴻篇輯成目錄矣已又擇其一卷之中可以自爲一書者隨手鈔寫閱有年所凡得若干種以其叢積無所附麗命曰檀几叢書夫叢也者聚也或支分於盈尺之部或散見於片楮之間哀而聚之也又叢也者雜也或述經史或辨禮儀或備勸戒或資攷訂事類紛綸雜而列之也予因歎秦火之餘逮漢文武二帝時賈董明儒術而司馬遷相如之徒工辭章自天子至公卿士庶人咸通誦習魏公子雅尚文學與季

重仲宣諸子相校定斯時俱宜表章羣書無不傳者而漢魏叢書猶俟後人搜纂厥後逸史說郭諸書又皆不專一代之作當今崇儒右文才人輩出遠軼前古其爲書光燄萬丈洵如山川雲物流峙照耀於天地非僅草木之煥其榮華鳥獸之好其音聲也故予得耑採時賢不必借材於往哲而吾友張子山來復增補其所未逮嗚呼可謂盛矣以叢書傳若干種以若干種之傳傳叢書豈復有湮滅散佚若永叔所感者哉書成不禁笑與抃集而序其意如此仁和王曉

題於松溪書屋

叢書序

之生萬有不齊必有以彙而叢之使不散亾而後
用之者得取裁焉武庫者五兵之所叢也庖廚者百
味之所叢也惟書亦然好古之士悉其才智之所及
聞見之所撫或史之緒餘或子之支分或九流之副
稗史之遺山崖屋壁之藏窮簷陋巷之述哀談脞語
非有盈尺之部可以孤行也是有賴於彙而存之者
矣愚所知叢書自漢魏而外若古今逸史說郭說海
稗海秘笈載籍諸書不下數十種顧時代旣遷著述

家日益富前者刊落而後者踵增將不知其紀極臨
安王子丹麓因有叢書之役向以未能問世爲憾張
子心齋虞其散佚也復網羅而加廣之且公諸天下
焉嗟夫兩君之聞見博矣其用力勤矣肅公嘗稽古
藝文漢以後可攷者劉氏七略王儉之志阮孝緒之
錄荀謝任殷四部彪炳乎史乘皆軼勿傳况乎一家
之哀談脞語乎世莫得而矜重之彼亦無因以自售
焉其委之山崖屋壁窮簷陋巷者何限叢而壽諸梓
卽未若經史鉅觀要之永遠亦足啓博洽而資笑談

俾才智之士各適其性將毋如五兵之入手惟藝所
習百味之入口惟嗜所饜乎哉毋謂是書不足當經
史鉅觀蓋未嘗不有裨於好古博雅者已吳肅公晴
崑氏客維揚會是書告竣心齋屬爲序之宣城街南
吳肅公拜撰

檀几叢書凡例

一是書專載小品不及大文然必其足以裨風化而助博洽者始爲采輯譬終日莊語間聞諷諭一辭則莫不粲然頓解亦文卷中息遊之道也

古樂恐臥覽者毋濳譏焉

一方今著作如林而是書所取則非一卷之可以單行者勿錄單行而連繫卷帙者亦勿錄故雖在交契實多闕如海內諸君子自能見諒

一讀書所以明道道不踰人倫日用之間今茲所

錄或採之於全集或得之於專刻一斑文炳片羽吉光總期無畔於道而已

一古有七寶靈檀几几上有文字隨意所及文字輒現今書中爲經爲傳爲史爲子集爲禮節大端爲家門訓戒爲土物瑣屑種種畢具有意披覽展卷卽得名曰檀几作如是觀

一編纂旣成自惟見聞隘陋當時名公賢士之作未能畢羅而悉彙之復不獲亟登梨棗輒爲快快甲戌初夏與天都張子山來晤於湖上雅有同志力任校訂共成勝舉先以五十種付之剞劂俾久滯案頭者一旦得公寓內誠快事也山來之功夫豈微哉

松溪王焯識

徐野王序

序

子曩有檀几叢書之輯歲在乙亥張子山來刻而傳
 之其明年張子倣其意又自為 昭代叢書流布宇
 內皆為大雅君子所賞識四方著作家以鱗鴻相托
 者弄篋恒滿于是予與張子復謀檀几二集搜羅按
 訂互相商確郵筒往復月必二三客有見者曰何汝
 二人不憚煩也前集所刻已極美善日月未幾豈復
 更有美善者待君輩采錄耶予曰天地之歲月無窮
 文人之心思亦與之為無盡文章經蕭選以後而選

檀几叢書 王序

一

二

事益繁叢書自漢魏之外其類每難指屈吾慮嗣後
采錄有未盡者尚將操鉛槧以從矧茲二集又多乎
哉客曰聞之著作有裨世道雖拙可觀文章無補心
術雖工何用二集所收豈更有加于前集歟予曰前
後集雖不同其有所補裨一也粗者不外日用常行
精者卽可以律身克己淺者藉之廣見博聞淡者亦
可以怡情養性至于維風勵俗闡經翼子尤三致意
焉客唯唯而退期月刻乃竣事予攜書以示客離離
魚魚雅雅異采繽紛輝光炫耀如寶妙所到諸

寶畢現又如登太華巔遍觀滄海萬象森然皆在吾
目客乃大驚歎曰有是哉文心之幻化無方而新書
之叠出而不窮也毋論子二集之後應有餘集卽張
子甲集乙集以至癸集恐亦難以盡天下之美也疇
昔之言吾過矣因于書之行而紀其顛末如此

仁和王晔丹麓撰

檀几叢書二集序

吾人一生無日不樂與檀几相對然與之密邇之日
爲少疎遠之日爲多良由世諦塵緣不能不一相涉
其或經營婚嫁伏臘問遺竭癘喪葬請謝賓客跋涉
舟車補苴債負醫藥糾纏慶弔往復計一生之中已
不啻十之六七無一不足與吾檀几相間苟能于天
朗氣清之候坐對檀几讀我叢書豈非一生大快事
哉夫此樂旣已不可多得幸而偶一值之又復任其
如烟雲之過眼了不記憶則非檀几負人乃人負檀

几耳夫檀几之所有亦未必盡如我意大約當意與否各居其半其半既已爲我之所喜則必思所以永之不惟欲永之而已且欲與天下共永之蓋不敢以之自私庶可以對檀几而無所媿夫檀几亦何嘗之有或不幸而僖父之與處則以權阿堵以饜梁肉可辱孰甚焉今也日與吾儕爲伍爐香茗椀錯陳其間而又值一日之燕閒于以展縹緗而親卷帙雖南面百城當不與易也武林王君丹麓雅與余有同好前年夏因有檀几叢書之役而郵筒所到復得如千種爰更借丹麓續成是編共爲百種合兩集而觀之不啻如管絃之疊奏金石之相宣前者唱于而後者唱喁吾兩人可以終其身于檀几間矣

新安張潮山來撰

檀几叢書二集凡例

遴選義例前集已詳但前係時所定為多故湖之

先集暨湖雜著無妨附見而時文一首不載今

此二集乃時兩人共輯則兩家著作皆不敢闕

入隻字匪惟藏拙理亦宐然

海陽胡子靜夫自白門郵到小品甚富集中多所

採用厥功甚偉奚可或忘

新城王阮亭先生郵到種種小品美不勝收因篇

目已定不獲全登為憾嗣當採入 昭代叢書

乙集以成鉅觀

阮亭先生所寄別搜諸種如華山經則楮多泥爛
字畫殘蝕不敢妄補姑為闕文或他時別見副
本然後補完以志慎重之意

此書之後尚有檀几叢書餘集之輯緣良朋投贈
輒有短篇字不盈千楮僅踰尺然粒珠寸錦皆
可寶貴自當別梓以奏餘音

丁丑九日

王暉

同識

張潮

檀几叢書目錄

第一帙 東

卷一

三百篇鳥獸草木記

徐士俊

卷二

月令演

徐士俊

卷三

歷代甲子考

黃宗羲

卷四

二十一史徵

徐汾

卷五

黜朱梁紀年論

宋實穎

卷六

韻史

金諾

卷七

釋奠考

洪若臯

卷八

臚傳紀事

繆彤

第二帙 壁

卷九

喪禮雜說

附常禮雜說

毛先舒

卷十

喪服或問

汪琬

卷十一

錦帶連珠

王嗣槐

卷十二

操觚十六觀

陳鑑

卷十三

十七帖述

王弘撰

卷十四

龜臺琬琰

張正茂

卷十五

稚黃子

毛先舒

卷十六

東江子

沈謙

第三帙 圖

卷十七

續證人社約誠

惲日初

卷十八

家訓

張習孔

卷十九

高氏塾鐸

高拱京

卷二十

十二戒

劉德新

卷二十一

猶見篇

傅麟昭

卷二十二

七勸

張習孔

卷二十三

元寶公案

謝開寵

卷二十四

聯莊 聯駢附

張潮

卷二十五

琴聲十六法

莊臻鳳

第四帙 書

卷二十六

鶴齡錄 正續

李清

卷二十七

新婦譜

陸圻

卷二十八

新婦譜補

陳確

卷二十九

新婦譜補

查琪

卷三十

美人譜

徐震

卷三十一

婦人鞋襪考

余懷

卷三十二

七療

張潮

卷三十三

鬱單越頌

黃周星

卷三十四

地理驪珠

張澐

卷三十五

雁山雜記

韓則愈

卷三十六

越問

王修玉

第五帙 府

卷三十七

真率會約

尤侗

卷三十八

酒律八

張潮

卷三十九

酒箴

金昭鑑

卷四十

觴政

沈中楹

卷四十一

廣抑戒錄

朱曉

卷四十二

農具記

陳玉基

檀几叢書二集目錄

第一帙 西

卷一

逸亭易論

徐繼恩

卷二

孟子考

閻若璩

卷三

人譜補圖

宋瑾

卷四

教孝編

姚廷傑

卷五

仕的

吳儀一

卷六

古觀人法

宋瑾

卷七

古人居鄉法

丁雄飛

第二帙 園

卷八

幼訓

崔學古

卷九

少學

崔學古

卷十

俗砭

方象瑛

卷十一

燕翼篇

李淦

卷十二

艾言

徐元美

卷十三

訓蒙條例

陳芳生

卷十四

拙翁庸語

劉芳喆

卷十五

醉筆堂三十六善

五則

李日景

卷十六

七怪

黃宗羲

第三帙 翰

卷十七

舉山經

東蔭商

卷十八

長白山錄

王士禛

卷十九

水月令

王士禛

卷二十

三江考

毛奇齡

卷二十一

卷二十二

黃元治

苗俗紀聞

方亨咸

念佛三昧

金人瑞

佛解

畢熙暘

第四帙 墨

卷二十五

漁洋詩話

王士禛

卷二十六

文房約

江之蘭

卷二十七

葦溪自課

馮京第

卷二十八

讀書燈

馮京第

卷二十九

學畫淺說

王 槩

卷三十

廣借字說

張允祥

卷三十一

古歡社約

丁雄飛

卷三十二

仿園清語

張盡

卷三十三

鴛鴦牒

程羽文

卷三十四

黛史

張芳

卷三十五

小星志

丁雄飛

卷三十六

艷體聯珠

葉瓊章

卷三十七

戒殺文

黎遂球

卷三十八

九喜榻記

丁雄飛

卷三十九

行醫八事圖

丁雄飛

第五帙 林

卷四十

雪堂墨品

張仁熙

卷四十一

漫堂墨品

宋 犖

卷四十二

水坑石說

錢朝鼎

卷四十三

琴學八則

程 雄

卷四十四

觀石錄

高 兆

卷四十五

紫泥法定本

汪 鎬京

卷四十六

陽羨茗壺系

周高起

卷四十七

芥茶系

周高起

卷四十八

桐塔副墨

亦名運掌經

黎遂球

卷四十九

南村觴政

張惣

卷五十

鴿經

張萬鍾

檀几叢書卷之一

武林 王暉 丹麓輯

天都 張潮 山來校

三百篇鳥獸草木記

西泠徐士俊野君著

夫子稱學詩則多識蓋三緯之中比興居其半比興之內取象於鳥獸草木者為多他如蟲魚之屬咸為動物固可連類而並觀者也試取三百篇而讀之其為鳥之屬者三十有九睢鳩也鴛鴦也皆匹鳥也在



洲在梁或鳴或宿宮閨之首稱也鵲也鳩也一巧一拙彼巢此居而鳩又或食甚則醉詩人所爲戒也雀之穿屋非角也燕羽差池傷離別也或蠶卵而生商志異也黃鳥倉庚也其色黃故稱金衣公子焉其羹可療妬理或然也雉也翟也翬也鷩也皆同類也翟或爲禮服或爲車蔽翟飛矯翼可觀而鷩則微小於翟其尾甚長者也雁亦匹鳥故婚禮取之其大者曰鴻或遵渚或遵陸而遠道哀鳴誤離於網則其不幸焉者也烏爲不祥之物爰止於誰雌雄莫辨蓋傷時

也又鸞爲雅鳥小而多羣江東呼爲鷓鴣者是也鷓屬庭有懸鷓蓋狩獵之所獲也雞者司晨者也一美貧家之警旦一美宮壺之夙興而喈喈膠膠托興求賢以爲鄭俗之荒淫者誤也鳧水鳥也時亦弋獲勤職亦佐烹也鷺鷥也無心則可伴而游有意則飛而不下何其識機也鴝淫鳥也無後趾不樹宿者也正亦鳥名射侯中所畫爲的者也晨風鷓也與飛隼鷹揚亦類焉者也鷺羽鷺翻舞者所持尚其潔白蓋與西雝相爲掩映者也鷓鴣惡聲之鳥也取子毀室

詩人惡之。墓門之萃。泮林之集。雖有好音之懷。亦不足貴也。鵙。淘河也。一名鷓鴣。又名烏鬼。杜詩所云。家養烏鬼。頓頓食黃魚者。是也。鸞不多見。而象其聲於鑣上之鈴。將將。雖。固可聽也。鴉鳩。戴勝也。禮曰。戴勝降於桑。知爲蠶候。又名布穀。亦以催耕也。鷦。伯勞也。其聲決決然。春分鳴。則衆芳生。秋分鳴。則衆芳歇也。鸛。巢能畜石。養魚。偶以蟻爲食。所以鳴埴也。雛。鶉鳩也。凡鳥之短尾者。皆雛屬。脊合。一名雛渠。亦水鳥也。飛則鳴。行則搖。言兄弟之急難。當如是也。鶴聲

高亮。聞野聞天。固其宐也。若夫在林而不得比於鷺。則特爲之也。桑扈。竊脂也。率場啄粟。反其常也。鷦。又音團。鷦也。與鳶皆鷦鳥。飛薄雲。漢者也。鳳凰。瑞鳥也。羽蟲三百六十。而鳳凰爲之長。翽羽。鳴岡。真盛世之象也。若夫桃蟲。小鳥也。卽爲鷦鷯。鷦鷯之雛。化而爲鷦。言始小而終大也。其爲獸之屬者。二十有七。名最繁者。馬有驪。馬白跨而稱驕者矣。有黃白而稱皇者矣。有純黑而稱驪者矣。有黃驛而稱黃者矣。有倉白雜毛而稱騅者矣。有黃白雜毛而稱駮者矣。有赤黃

而稱駢者矣。有青黑而稱騏者矣。有青驪鱗而稱驪者矣。有白馬黑鬣而稱駱者矣。有赤身黑鬣而稱駟者矣。有黑身白鬣而稱雜者矣。有陰白雜毛而稱駟者矣。有彤白雜毛而稱駟者矣。有毫鬣而稱驪者矣。有二目白而稱魚者矣。又有驪白雜毛而稱鶉者矣。有額有白毛而稱白顛者矣。有左足白而稱鼻者矣。有黃馬黑喙而稱駟者矣。有駟白而稱駟者矣。有駟馬白腹而稱駟者矣。有四馬皆黑而稱駟鐵者矣。有青驪而稱駟者矣。有小則稱駒而七尺以上則稱駟。

者矣。有爲服爲駟而稱上襄雁行者矣。性最狡者兔。然望月而孕。拔取其毫。簡牘是資。則誠貴矣。性最仁。厚者麟。爲趾爲定。爲角不踐生草。不履生蟲。且不抵。不觸蓋。與騶虞之不食生肉同。稱仁獸者矣。性最黠者鼠。穿墉以興速訟。有體以譏無禮。食黍以警貪殘。各有取爾矣。外柔而內剛者羊。羔羊素絲以表節儉。牂羊墳首以著凶荒。然稱太牢而與羊並列者。牛三百維羣。以昭蕃息。九十其牝。以美收成。羊牛下來。以知時候。絜爾牛羊。以供祭祀。六畜之中。爰居其二者。

矣。生最壽者鹿。三歌鹿鳴。以燕賓客。或牲牲而處。或
祁祁而奔。而麇亦鹿屬。一名爲獐。其類實繁者矣。外
剛而內柔者犬。懷春吠。扞人甚嚴。而以之田獵。則
有稱盧者矣。有長喙而稱獫狁者矣。有短喙而稱歇驕
者矣。鬣最剛者豕。其在野則爲豨。爲豮。爲豨而牢之
所畜。但名爲豕。有時白蹄涉波。徵爲雨候者矣。性最
淫而多疑者狐。取而成裘。則又貴矣。力最猛者虎。以
贊碩人。以誇勇將。乃貓似虎而淺毛。豹爲虎所生。復
能食虎。用以爲飾。可彰文采。表武力者矣。形最鉅者

象。而其骨則爲掣。爲弭。名相同者魚。而其皮則爲弓
鞬。爲矢服。用固靡窮者矣。性最貪者狼。而豺亦狼屬。
貍亦貉類。或有懸庭者矣。猛愍多力者熊羆。而男子
之祥。有形於夢寐者矣。然獸之猛者。又有貔。蓋聞貔
皮之獻。以修侯職者矣。性善升木者狻。是固不待教
而能者矣。鳥獸已備。乃紀草木。其爲草之屬者。九十
有六。若參差之苜蓿。可采。可芼。若中谷之葛。可爲絺。
爲綌。若周行之卷耳。可以頃筐取。若道旁之芣苢。其
子可治產難。若翹翹之萋萋。蓼之莪。沼沚之蘩。皆與

蒿類然莪爲美菜。蒿爲賤草。蔚又爲牡蒿。不可不知也。若南山之薇蕨。可飽隱逸。若南澗之蘋。若行潦之藻。可供薦祭。若豐水之芑。若周原之莖。可昭產植。若蒹葭萑葦。之可爲曲薄。而藜亦葭類。揭揭者稱焉。若苦蕒之匏。用以爲刺。若象齒之瓠。用以爲美。若葑菲之有美。有惡。若茶薺之有苦。有甘。若甘草之爲苓。而在隰。若貝母之爲蟲。而在阿丘。若益母之爲穠。而在中谷。若蕘之美。異而在牧。若蒙菜之爲唐。而在沫鄉。若諛草之忘憂。若菜竹之比德。然而竹固非草木別爲一種者也。他若芄蘭之柔弱。若飛蓬之零亂。若荷華之在川。而媚。若蘭之在水。而香。若紅草之放縱。如龍。若勺藥之將離。贈別。若茹蘆之可以染絳。若莫若蕘之可以爲羹。若歛之曼延。若菝之美麗。若紵若菅之可漚。可績。若旨苕。旨鷓之可食。可觀。若蒲之可爲席。若蓍之可爲筮。若蕭之可以燔。若萸萸之可爲菓。若萸之早秀。若葵之可烹。若萃若苓之可充鹿食。若臺之可笠。若萊之葉香可食。若藿之在場。若遠與菑之在野。若蔦與女蘿之纏綿。依附。若芹與茆之在泮。

若綠與藍之盈。芻盈。檐若茗華之芸黃。若筍蒲之供。簌凡草之類。徧滿原隰。至若黍稷重穠。禾麻菽麥。稻粱植穉。秬秠糜芑。稌粟來牟。瓜壺荏苴之屬。所以養人。尤爲至貴。非同稂莠之害苗。所當與荼蓼共疇者也。其爲木之屬者。五十有二。苞者。樛者。喬者。鬱者。條者。枚者。杖者。肆者。薪者。蒸者。擇者。隕者。扶蘇者。樸檉者。蒼蔚者。遠揚者。平林者。荏染者。蓄者。翳者。灌者。樹者。或桃而夭夭者。或楚而翹翹者。或甘棠而蔽芾者。或梅而標者。或唐棣而穠者。或李而可投。可報者。或

栢與松與栢之茂於南山。而可舟可楫者。或棘而僅爲薪者。或茨而在牆者。或楛而在麓者。或榛栗而可供籩實者。或椅桐梓漆。可爲琴瑟之材者。或桑與檉與柘之可飼蠶者。或楊而揚者。或柳而苑者。或蒲柳而可爲箭者。或杞與檀而可樹者。或木槿而稱顏如舜華者。或棗之短而亦稱棘者。或樞與栲而在山者。或榆與柎與檉與棗而在隰者。或椒而蕃衍者。或杜而特生者。或櫟而苞者。或山楸而稱條者。或梓榆而稱六駁者。或羊桃而稱萋楚者。或果而稱鬱者。或枌

而在東門者。或棚而在宛丘者。或枸櫞之在南山北
山者。或穀與槁而棄爲惡木者。或常棣而鞞鞞者。或
柞枝而蓬蓬者。或械而樸者。或檉而稱雨師者。或据
而似扶老者。何多材也。吾更因鳥獸而及蟲魚。螽斯
則詵詵焉。草蟲則嚶嚶焉。阜螽則趨趨焉。而且狀美
人之領。其白而長。則如螬蟻焉。狀美人之額。廣而方
正。則稱螭首焉。狀美人之脊。細而長。曲則稱蛾眉焉。
賢妃警夜耳。聒誤蒼蠅之聲焉。詩人戒讒。樊棘惡青
蠅之迹焉。在堂在野。在宇在戶。以至牀下有蟋蟀之

響焉。楚楚之衣裳。采采之衣服。有蜉蝣之羽翼焉。五
月則鳴蜩嘒嘒焉。六月則莎雞振羽焉。螿亦蜩屬。如
之者。以爲亂意。又有不可聞者焉。而且蝟蝟者。蠋烝
在桑野焉。室不掃。則伊威生焉。戶無人出入。則蠪蝓
之網結焉。荒涼之境。宵行燿燿焉。女子之祥。虺蛇入
夢焉。螟蛉有子。蜾蠃則呼其類我焉。蛾與鬼類。舍沙
以射。夫人影焉。乃若害苗之蟲。則有食心之螟焉。有
食葉之螻焉。有食根之蝻焉。有食節之賊焉。卷髮如
蠶。彼都之女。形爲歎惜焉。莽蜂辛螫。幼冲之主。借爲

懲戒焉。蟲之為類亦已夥矣。若夫水之中有龜有貝有鼈有鼉皆介屬也。其鱗屬則有魚而魚族之繁還將馬等因再悉數之。為鱗尾之魴為黃色之鱣為青黑之鮪為唯唯之鰈為甫甫之鱖為河洛之鯉為細鱗赤眼之鱒為解飛之鱠為吹沙之鯊為朝斗之鱧為丙穴之嘉魚為漆沮之鯀鱣而鱗蟲三百六十固以龍為之長也是為記。

檀几叢書卷二

武林 王 焯 丹麓軒

天都 張 潮 山來校

月令演

西湖徐士俊野君著

月令首春。東風解凍。蟄蟲振躍。冰魚跳弄。有獺祭魚。爰作水供。候雁北歸。草木萌動。

右正月

少焉春仲。天桃始花。倉庚既鳴。鷹化鳩耶。春分元鳥。

檀几叢書 月令演

飛入人家。雷乃發聲。電啓光華。

右二月

春云暮矣。桐花吐芳。田鼠爲駕。長虹見芒。浮萍漾蹤。在水中央。鳴鳩拂羽。戴勝降桑。

右三月

物候倏更。維夏四月。螻蛄亂鳴。蚯蚓咸出。王瓜首生。苦菜秀實。靡草其靡。麥秋早穫。

右四月

五月天中。蟬螂已生。啼鴉伊始。反舌無聲。鹿角雙解。

蝸鳴沸羹。奇哉半夏。因時得名。

右五月

夏正六月。金伏而寧。溫風南來。蟋蟀壁偵。飢鷹始摯。腐草爲螢。土潤溽暑。大雨時行。

右六月

七月流火。涼風至庭。白露夜降。寒蟬晝鳴。鷹當祭鳥。殺氣繁興。天地始肅。新禾漸登。

右七月

秋期方半。鴻雁初來。元鳥難留。淒涼遠歸。羣鳥養羞。

雷聲若坏。何獨蟄蟲。水涸也哉。

右八月

涼秋九月。雁復來賓。雀更爲蛤。大水廻輪。菊有黃華。豺祭獸羣。草木黃落。蟄者不伸。

右九月

日月陽止。冰凍將蒙。波驚雉蜃。雲藏蟄竄。上升下降。閉塞成冬。天地自然。萬物有終。

右十月

雁維仲冬。鷓鴣不鳴。虎成夫婦。荔挺弟兄。蚯蚓蟠結。

麋鹿角崩。泉動于下。上有層冰。

右十一月

季冬寒盡。雁鄉其北。維鵲有巢。莫被鳩逐。山中雉雊。簷下雞喔。征鳥厲疾。水澤堅腹。

右十二月

休十二日

休十一日

檀几叢書卷三

武林王 暉 丹麓輯

天都 張 潮 山來校

歷代甲子考

姚江黃宗羲太冲著

按歷代甲子自魯隱公元年已未以下載籍皆可攷

據無有異同乃自隱公以上其說不能歸一然準之

曆算如武王克商周公營洛成王顧命三者得其時

日則是非不難辨矣故授時代紂以至春秋一從漢

檀几叢書 歷代甲子考

志漢志魯世家魯公伯禽四十六年考公四年煬公
 六十年幽公十四年微史記作魏公五十年厲公三十七
 年獻公五十年慎公三十年武公二年懿公九年柏
 御十一年孝公二十七年惠公四十六年凡伯禽至
 惠公三百八十六年伯禽以成王元年癸巳歲即位
 至康王十六年戊寅歲薨惠公以平王三年癸酉歲
 即位至平王四十八年戊午歲薨中間所歷甲子自
 第二十八而上羸三十一歲自第三十三而下縮五
 歲由成王上推周公攝政七年武王克殷後七年而

崩故伐之歲斷以為巳卯也而史記魯世家伯禽

四十六年考公四年煬公六年幽公十四年魏公五
 十年厲公三十七年獻公三十二年慎公三十年武
 公九年懿公九年伯御十一年孝公二十七年惠公
 四十六年凡三百二十一年較漢志差六十五年以
 惠公末年戊午上推戊午當平王四十八年則伯禽
 元年在第二十八甲子下戊戌歲也戊戌為成王元
 年由成王上推周公攝政七年封禪書曰武王克殷
 二年天下未寧而崩崩在庚寅歲故伐紂之年為戊

子也。如此則銷却一甲子。第二十八。卽第二十七矣。竹書紀年。成王丁酉歲卽位在位三十七年。康王二十六年。昭王十九年。穆王五十五年。共王十二年。懿王二十五年。孝王九年。夷王八年。厲王二十六年。宣王四十六年。幽王十一年。平王四十八年。惠公卒。凡三百二十二年。與史記魯世家先一年以伐紂在庚寅較。史記後二年。此記事稍有參差。其甲子大略相同也。黃石堃先生主張史記以爲武王克殷戊子歲。用授時四分校之。戊子歲周正月癸卯合朔甲寅冬

至。以某按之。又未必然。武成惟一月壬辰。死魄越翼日癸巳。王朝步自周。于征伐商。旣戊午。師逾孟津。癸亥。陳於商郊。甲子昧爽。會於牧野。泰誓又曰。一月戊午。師渡孟津。左氏外傳曰。王以二月癸亥夜。陳未畢而雨。據石堃以癸卯爲正月朔。則壬辰癸巳爲前月十九二十日矣。經何以言一月也。癸卯朔。則癸亥爲月內之二十一日矣。外傳何以言二月也。信漢志。不如信史記。信史記。又不如信經文也。石堃又以月。勿死魄在望後。生魄在望前。謂壬辰是十六日。非朔。

二日。夫經言壬辰是一月。又言戊午亦一月。壬辰與戊午相距二十七日。若死魄在望後。是月寧復有戊午哉。又武成厥四月哉。生明。王來自商。至于豐。丁未祀于周廟。越三日庚戌。柴望大告武成。既生魄。庶邦冢君。暨百工受命於周。觀其序。生魄於生明之後。則生魄之為望後明矣。生魄既在望後。則死魄之為望前亦明矣。若以授時步戊子歲。距至元辛巳二千三百三十三年。中積八十五萬二千一百一十四日。八千五百二十四分。冬至甲子。經朔癸丑。與石彗所

言無一合者。則武王伐紂之必非戊子也。當從班氏以巳卯為準。而後春秋以上之時日始可得耳。

第一甲子黃帝元年

第二甲子黃帝六十一年

第三甲子少昊二十一年

第四甲子少昊八十一年

第五甲子顓頊五十七年

第六甲子帝嚳二十九年

第七甲子帝堯二十一年

第八甲子帝舜九年

第九甲子夏禹八年

第十甲子仲康三年

第十一甲子寒浞十五年

第十二甲子帝槐四年

第十三甲子帝不降四年

第十四甲子帝扃五年

第十五甲子孔甲二十三年

第十六甲子桀二十二年

第十七甲子商太甲十七年

第十八甲子太庚十五年

第十九甲子太戊二十一年

第二十甲子仲丁六年

第二十一甲子祖辛十年

第二十二甲子祖丁二十九年

第二十三甲子盤庚二十五年

第二十四甲子武丁八年

第二十五甲子祖甲二年

第二十六甲子武乙二年

第二十七甲子紂十八年

第二十八甲子周康王二年

第二十九甲子昭王三十六年

第三十甲子穆王四十五年

第三十一甲子孝王十三年

第三十二甲子共和五年

第三十三甲子幽王五年

第三十四甲子桓王三年

第三十五甲子惠王二十年

第三十六甲子定王十年

第三十七甲子景王八年

第三十八甲子敬王四十三年

第三十九甲子威烈王九年

第四十甲子顯王十二年

第四十一甲子赧王十八年

第四十二甲子秦始皇十年

第四十三甲子漢文帝三年

第四十四甲子武帝元狩六年

第四十五甲子宣帝五鳳元年

第四十六甲子平帝元始四年

第四十七甲子明帝永平七年

第四十八甲子安帝延光三年

第四十九甲子靈帝中平元年

第五十甲子蜀後主延熙七年

第五十一甲子晉惠帝永興元年

第五十二甲子哀帝興寧二年

第五十三甲子宋文帝元嘉元年

第五十四甲子齊武帝永明二年

第五十五甲子梁武帝大同十年

第五十六甲子隋文帝仁壽四年

第五十七甲子唐高宗麟德元年

第五十八甲子玄宗開元十二年

第五十九甲子德宗興元元年

第六十甲子武宗會昌四年

第六十一甲子昭宗天祐元年

第六十二甲子宋太祖乾德二年

第六十三甲子仁宗天聖二年

第六十四甲子神宗元豐七年

第六十五甲子高宗紹興十四年

第六十六甲子寧宗嘉泰四年

第六十七甲子理宗景定五年

授時以元至元十七年庚辰歲

冬至為曆元若上考自曆元至此甲子積一十七年

第六十八甲子元泰定元年

下驗自曆元至此甲子積四十四年

第六十九甲子明洪武十七年

第七十甲子正統九年

第七十一甲子弘治十七年

第七十二甲子嘉靖四十三年

第七十三甲子天啓四年

史記卷四

卷十三甲子天際四半

卷十三甲子天際四十三半

卷十一甲子天際十半

卷十一甲子天際六半

檀几叢書卷四

武林 王 暉 丹麓輯

天都 張 潮 山來校

二十一史徵

仁和徐汾武令著

史記

司馬遷史記一百三十卷。始黃帝至漢武獲麟之年。撰成十二紀以序帝王。十年表以貫歲月。八書以紀政事。三十世家以序公侯。七十列傳以志士。

庶上下三千餘載

論大道則先黃老而後六經。譏武帝之不若文
景也。序遊俠則退處士而進姦雄。歎時無朱家
之倫。不能脫已於厄。述貨殖則崇勢利而羞貧
賤。恨貧無大賈之賄。不能免已於刑。班孟堅未
察其心而驟譏之。何不彈其身爲人臣而彰君
之短耶。

前漢書

班固前漢書一百卷。十二帝紀。八年表。十志。七十

列傳。皆因司馬遷馮商楊雄向歆舊文而作。其八
表天文志。坐附憲罪未竟而卒。和帝詔其妹曹世
叔妻昭。就東觀藏書踵成之。至唐顏師古以太子
承乾之命。總先儒注解。服虔應邵而下二十餘人。
刪繁補略。裁以已說。遂成一家。故世號杜征南顏
監爲班史忠臣。

馬遷史記一書。功在十表。而固反譏毀之。不知
已作漢書。自高祖至武帝。盡竊腐史。昭宣以下
復資於賈逵劉氏。

後漢書

范曄撰後漢書九十卷。十帝紀八十列傳。刪取謝承薛瑩司馬彪劉義慶華嶠謝沈袁崧七家。及前劉珍等東觀記。孔衍續漢尚書。爲一家之作。其天文志三十卷。又令謝儼撰志。未成。而曄以反誅儼。悉蠟以覆車。梁世劉昭得舊本。因補注而成。晉人蔚宗嘗與甥謝綜及姪書敘其作書之意。體大思精。未有如此。不知載及鳧履羊鳴。其於史家何益。

三國志

陳壽作三國志六十五卷。魏四紀二十六列傳。蜀十五列傳。吳二十列傳。當時稱其善敘事。有良史之才。及南北朝。宋文帝嫌其略。命裴松之補注。博采羣說。於王沈項峻韋曜袁曄李氏衛恒魚豢劉艾張華魏文帝顧愷之孔衍傅嘏司馬彪山濤皇甫謐荀綽袁陸二氏胡冲陰澹袁子摯虞管輅陳壽葛洪李軌諸葛氏張儼蔣濟譙周殷基楊戲虞喜王隱韋昭三十四家。分入書中。

世但譏壽索米而闕下儀。雪讐而短諸葛。不知其書實高簡有法。如不言曹操本生。而載夏侯惇及淵於諸曹傳中。則見嵩本夏侯氏之子也。高貴鄉公書卒。而載司馬昭之奏。則見公之不得其死也。壽亦寓春秋之褒貶焉。

晉書

唐貞觀中。以王隱虞預朱鳳謝靈運臧榮緒蕭子雲鄭忠沈約庾銑蕭子顯張緬陸機干寶曹嘉鄧粲劉謙之何承天崔鴻等十八家晉史未善。詔房

玄齡與褚遂良許敬宗之徒。再加撰次。乃據前書增損之。凡爲帝紀十。志二十。列傳七十。載記三十。其事例屬李播。天文律曆屬李淳風。掌故屬于志。寧紀傳屬顏師古。孔穎達輩。而宣武二紀。陸機王羲之傳論。皆太宗所自爲。故稱曰制。

古者修書出於一人之手。馬班是也。至唐始用羣才。然亦隨其學術所長者而授之。如淳風志。寧則授之以志。如師古穎達則授之以紀傳。以顏孔博通古今。于李明天文地理。所以晉志獨

高於諸史也。惜書多載裴榮期語林。劉義慶世說。幽明錄。干寶搜神記。及沈約詭異謬妄之言。殊乖史體。

十六國春秋

前趙

劉淵稱漢

後趙

石勒冉閔號魏

前秦

苻洪

後秦

姚萇西

秦

乞伏國仁

前燕

慕容垂

南燕

慕容德

北燕

馮跋

前涼

張軌

後涼

呂光

南涼

烏狐

西涼

李暠

北涼

沮渠蒙遜

赫連

成

李雄

稱漢

崔鴻弱冠便有著述志。見晉魏前史。皆成一家。無

所措意。以劉元海石勒慕容雋苻健慕容垂姚萇

慕容德赫連屈丐張軌李雄呂光乞伏國仁秃髮

烏狐李暠沮渠蒙遜馮跋等。並因世故。跨僭一方。

各有國書。未有統一。鴻乃撰為十六國春秋。勒成

百卷。因其舊記。時有增損。褒貶焉。

鴻二世仕江左。故不錄僭晉劉蕭之書。又恐識

者責之。未敢出行於外。魏宣武聞其撰錄。遣趙

邕詔鴻曰。聞卿撰定諸史。甚有條貫。便可隨成

者。送至。朕當於機事之暇覽之。鴻以其書有與

國相涉言多失體。且既訖不奏聞。自正元以前。不敢顯行其書。自後以其伯光貴重當朝。知時人未能發明其事。乃頗傳讀。然鴻經綜既廣。多有違繆。至道武天興二年。姚興改號鴻始。而鴻以爲改在元年。明元永興二年。慕容超禽於廣固。鴻又以爲在元年。太常二年。姚泓敗於長安。而鴻亦以爲滅在元年。如此之失。多不考也。

宋書

沈約作宋書一百卷。十本紀。三十志。六十列傳。齊

永明中。約奉詔爲是書。以何承天書爲本。芻采徐爰之說。頗爲精覈。

王邵嘗刺休文。喜作奇事。以誣前代。如琅琊王妃通小吏牛氏。生中宗。孝武於路太后處寢息。時人多有異論之類。世稱截舌。未爲過耳。

南齊書

蕭子顯撰齊書五十九卷。八紀。十一志。四十列傳。初江淹已作十志。沈約又有紀。子顯自表別修。子顯爲齊寧都縣侯。入梁降爲子職。其於斯文。

喜自互騁。所更改破析刻彫藻績之變尤多。而史體愈下。其志天文止紀災祥。州郡不著戶口。乃反自解云。天文事秘戶口不知。未敢竊載。嗟乎博不足也。

梁陳二書

姚思廉梁書五十六卷。六本紀。五十列傳。唐貞觀中。詔思廉同魏徵撰。思廉爲史官。察之子推其父意。又採謝吳等所記。以成此書。徵惟著總論而已。筆削次序皆出思廉。陳書三十六卷。六本紀。三

十列傳。其父察在陳。嘗刪撰梁陳事。未成。陳亡。隋文帝問之。察以所論載。每一篇成。輒上之。觀訖而沒。察且死。屬思廉繼其業。貞觀中。與梁書同時上之。思廉多採謝旻。顧野王等諸書。總括爲二史。以卒父業。

史家之繼父業者。馬遷以下。又有姚思廉之梁陳書。李延壽之南北史。百藥之北齊書。

後魏書

魏收作書一百三十卷。追敘魏先祖二十八帝。下

終孝靜作十二紀九十二列傳十志而史有三十
五例二十五序九十四論前後二表一啓然攸諂
於齊言魏室多所不平至隋開皇中勅魏澹更作
魏史九十二卷今不傳而收書獨出唐張太素
作後魏書天文志二卷

收撰魏書不甚能平諸人凡先世姻戚多被書
錄飾以美言夙有怨隙多沒其善每云何物小
子敢共魏收作史又且納爾朱榮子金故減其
惡而增其善時謂之穢史故宋劉知機史通謂
生絕後嗣死逢剖斲皆陰匿所致

北齊書

李百藥北齊書五十卷本紀八列傳四十二始百
藥父德林與秘監王劭並少仕鄴中多識故事嘗
著述紀傳唐貞觀初詔分修諸史百藥因父書續
成以獻

諸史稱帝號史傳百藥避唐諱不書世祖世宗
之類例旣不一議者少之

北周書

令狐德棻北周書五十卷。本紀八。列傳四十二。初周有柳蚪。隋牛弘二人各有撰次。率多牴牾。貞觀中德芬請換次。乃詔與陳叔達唐儉共成之。

史云蘇綽秉國政。軍國詞令多準尚書。牛弘爲史尤務清言。德棻因之以成是書。故多非實錄。

隋書

唐初詔成隋書八十五卷。魏徵等撰。紀五。列傳五十。長孫無忌等撰。志三十。初詔顏師古孔穎達修述。徵總其事。序論皆徵自作。復又詔于志寧韋安

仁李延壽同修五代志。無忌上之詔編第八。隋書人亦號五代志。天文律曆五行三志。李淳風獨作。馬貴與文獻通考言。隋志極有倫理。遷固以下皆不及也。蓋班馬只事虛言。不求典故。雖其文采蔚然。而於實用則無有也。余竊謂不然。史漢書志。豈盡不備典故。不足徵實用者。此言未足。深信。觀隋志所以該五代南北兩朝。紛然淆亂。豈易貫穿。然讀其書。則了了在目。良由當時區處各當其才。顏孔通古今。而不明天文地理之

序故令修紀傳而以十志授之志寧淳風

南北史 南史宋齊梁陳 北史魏齊周隋

李延壽南史八十卷北史八十卷延壽父太師嘗謂宋齊梁陳周隋天下參隔南方謂北為索鹵北方指南為島夷其史於本國詳他國略往往訾美失傳思所以改正之未成而歿延壽後預修晉隋書因究悉舊事更依馬遷體總序八代北自魏盡隋二百四十二年南自宋盡陳百七十年為二史刪煩補闕過本史遠甚

延壽著南北史頗得史體故唐書本傳亦謂其

刪略穰辭過本書遠甚然好述妖異兆祥特為

繁狼

舊唐書 新唐書

石晉時宰相劉煦因韋述舊史增損以成為帝紀

二十列傳一百五十繁略不均多所闕漏此舊唐

書也至宋嘉祐中曾公亮被詔刪定歐陽修撰紀

志宋祁撰列傳舊書約一百九十卷新書約七十

四卷而其中增表故書成上於朝自言曰其事則

增於前。其文則省於舊也。而議者頗謂永叔學春秋務為褒貶。子京通文學。惟刻意文章。采雜說。既多。往往牴牾。有失實之歎焉。嘉祐五年上之。凡廢傳六十一。增傳三百三十一。志三。表四。

舊書成於五代。文章卑陋之時。紀次無法。詳略失中。論贊多用儷語。固不足傳世。而新書不出。一手亦未得為全善。本紀用春秋法。削去詔令。雖太略。猶不失簡古。至列傳用字多奇澀。殆類虬戶銑谿體。識者病之。

舊五代史 新五代史

附十國世家

吳楊行密南唐李昇前蜀王建後蜀孟知祥南漢

劉隱楚馬殷吳越錢鏐閩王審知南平高季興東漢劉崇

宋開寶中詔修梁唐晉漢周書。盧多遜扈蒙張澹

李昉劉兼李穆李九齡同修。宰相薛居正監裁。

新五代史七十五卷。歐陽永叔以薛居正史繁猥

失實。重加修定。藏於家。永叔沒後。朝廷聞之。取付

史監。

國史惟稱新五代史可繼班固劉向人不以為過特恨其晉出帝論以為因濮園議而發云雖然永叔亦忠君愛國之念非有他也。歐公嘗學春秋於胡瑗孫復故褒貶謹嚴專本誅心之法曰梁臣曰唐臣所以暴忠貞之一節曰死節曰紀事所以愧奸曲之二心曰家人傳則正家之義見矣曰一行傳則高尚之義見矣曰唐六臣傳則背唐附梁之罪明矣曰雜傳則更事歷代之徒誅矣。

宋遼金三史 附柯維騏宋史新編

元脫脫與揭傒斯歐陽玄等作宋遼金三史宋史四百九十六卷遼史一百一十六卷金史一百三十五卷

元至正間揭傒斯既與歐陽玄同修斯乃附歐陽之私情違楊廉夫之公議並列以為三史而各自為統非柯維騏新編何以辨正統乎。

元史

明洪武中詔宋濂王禕撰元史二百十卷始元史

嘗作於胡粹中至是宋王二人重修十卷故元史
元史史自舊唐語多復雜而宋書叢脞尤甚若元則
更瑣鄙不堪並論

宋至五開洪州與潤州之同新洪州

四百六十六卷

十正卷

四百六十六卷

宋史金三史

宋史金三史

檀几叢書卷五

武林大王

天都張

黜朱梁紀年論

附圖

廣平宋實穎既庭著

予讀五代史至梁太祖本紀未嘗不廢書而歎也曰

嗚呼歐陽公良史也於是紀為真失春秋之志矣公

之言曰魯桓公弑隱公而自立者宣公弑子赤而自

立者鄭厲公逐世子忽而自立者衛公孫剽逐其君

檀几叢書

黜朱梁紀年論

一

復其堂

衍而自立者。聖人於春秋皆不絕其爲君。予所以不
僞梁者。用春秋之法也。然不知四君者。非魯衛鄭之
嫡子。皆其君之公孫介弟也。爲其君之公孫介弟。則
社稷無隕。猶愈於屬之他人。而朱全忠者。爲唐之何
人乎。問其始。則盜賊也。問其終。則弑昭宗。弑昭宣。弑
太后也。此其罪。比於王莽安祿山。尤爲過之。王莽不
得爲新。安祿山不得爲燕。朱全忠獨得爲梁乎。春秋
之於陽虎。書曰盜竊寶玉大弓。則五代史於朱全忠。
亦當正其名曰盜。而何得大書特書。予之以帝王之

名哉。且其時移檄興復唐室者。有晉岐蜀淮南四國
在焉。或爲唐之臣子。或爲唐之賜族。則唐實未嘗亾
也。譬之有千金之家。宗子遇非常之變。或偶無後。則
支庶之賢者。皆可以理其業。而繼其祀。可曰宗子無
人矣。而付之於盜賊之手。付之於盜賊之手矣。後之
君子。又不正其罪。曰盜賊而飾其名曰是。卽我家督
也。有是理乎。歐陽公之不僞梁。何以異是。欲不謂之
大失春秋之志。豈可得哉。予故黜朱梁之紀年。而以
晉岐淮南之稱天祐者爲主。年經月緯。發凡起例。始

於天祐之四年至唐莊宗之同光元年而止。此十六年中。朱梁之惡熟矣。天報之以滌烝子婦。刃出其腹。灰飛烟滅。苗裔蕩盡。所謂富貴赫奕者何在。謀臣將相者何在。奉冊袞冕者何在。而安得大書特書。與以帝王之名哉。惟不與以帝王之名。而後之亂臣賊子。如朱全忠者。可以悚然而懼矣。若晉岐淮南之系於唐。後猶夏之少康。周之共和。亦春秋書公在乾侯之義也。又何疑焉。又何疑焉。

黜朱梁紀年圖

唐昭宣光烈孝皇帝

甲子 天祐元年

乙丑 天祐二年

丙寅 天祐三年

丁卯 天祐四年

夏四月朱全忠僭稱皇帝偽國號梁偽年號開平

廢唐帝為濟陰王淮南四川移檄興復唐室

戊辰 晉岐淮南稱天祐五年

春正月晉王李克用卒子存勗立 朱全忠弑昭

宣帝

夏五月晉王伐偽梁夾寨破之潞州圍解

巳 晉岐淮南天祐六年

六月偽梁劉知俊奔岐岐遣劉知俊伐偽梁靈州

大敗梁人

庚 晉岐淮南天祐七年

偽梁遣兵襲鎮州取潞冀鎮定推晉王為盟主晉

遣兵救之

辛 晉岐吳天祐八年 偽梁改號乾化

春正月朔日食晉王伐偽梁軍於栢鄉破之

壬 晉岐吳趙天祐九年

春正月晉師及鎮定之兵伐幽州二月朱全忠救

之大敗而還六月朱全忠為子友珪所殺

癸 晉岐吳天祐十年

二月朱友貞殺友珪而自立

甲 晉岐吳天祐十一年

朱友貞改偽年號曰貞明

乙 晉岐吳天祐十二年

丙 晉岐吳天祐十三年

丁 晉岐吳天祐十四年

戊 晉岐吳天祐十五年

巳 晉岐吳天祐十六年

庚 晉岐吳天祐十七年

辛 晉岐吳天祐十八年

壬 晉岐吳天祐十九年

癸 晉岐吳天祐二十年

未 晉岐吳天祐二十年

冬十月唐主入大梁朱友貞自殺

唐毀偽梁宗廟廢朱溫朱友貞為庶人

甲申 同光二年

天都 張湖 山來校

韻史

鶴湖金諱楚重編

今都變革何苦費則

檀几叢書 黜朱梁紀年論

五 震舉堂

天祐十七年 朱友真改僞年號曰龍德

晉岐吳天祐十八年

晉岐吳天祐十九年

晉岐吳天祐二十年 日後唐改元同光

中 同光二年 主人天梁朱友真自殺

下 基基宗光聖輒閔奉皇帝

檀几叢書卷六

武林 王 悼 丹麓輯

天都 張 潮 山來校

韻史

鶴湖金諾楚重編

清平樂

疎風明月不必傷離別。古古今今都變革。何苦費期唇舌。昨日畫棟雕闌。明朝殘瓦頽垣。算到興亡冷處。一齊付與重淵。

西江月

苦苦相爭不已。冤冤圖報何休。傷殘骨肉鬪春秋。轉眼原歸烏有。若個兒孫遶膝。誰人兄弟盈眸。收成總在此荒丘。請向漁樵一叩。

不彈古史不彈今。彈出明朝衆事情。知音說與知音者。果是知音細細聽。

明太祖姓朱名元龍。濠州人。破陳友諒滅張士誠。元亾。天下一統。羣奉卽皇帝位。改元洪武。在位三十一年。皇太子懿文早死。傳位與太孫允炆。曰建文。在位

四年。爲太祖第四子燕王所逐。廟祀廟號不與焉。并

其四年亦改爲洪武年號。永樂在位二十二年。傳之

洪熙 宣德 正統 景泰 天順 卽正統 成化

弘治 正德 嘉靖 隆慶 萬曆 泰昌 天啓

崇禎 共十七君。計二百七十八年。中間是是非非。

談論間不能細述。略將君臣事要大槩品題。

高皇帝產濠州。起家微賤。

郭子興識大器。納爲館甥。

聘劉基謀國事。賢豪歸附。

滅友諒破士誠定計金陵

戰鄱陽難星過幾乎舟覆

衆功臣再三勸卽位稱尊

馬氏后誠羣臣不殺爲上

定兵制更律令法度重新

因久旱禱壇中夜臥三日

封功臣首徐達二十一人

昭鑑錄十三條皆由御製

命冷謙作樂章鼓吹休明

只可惜劉青田禍成飲毒

求神仙終不得未免癡心

理朝綱算將來三十一載

長子天論世系傳位皇孫

諸叔父各持尊紛爭不定

歎幼主真懦弱孤苦伶仃

四年間燕王起兵稱靖難

焚宮室逐皇孫易位稱尊

方孝孺服衰絰義不草詔

誅十族。慘行刑。害及良人。
昭皇帝。號洪熙。一年早喪。
子瞻基。能納諫。亦號賢君。
因日食。辭衆賀。返躬自省。
定取士。別南北。卷始攸分。
英宗帝。號正統。嗣居大位。
迎建文。稱老佛。骨肉重親。
茂七反。爲閩王。一時騷動。
熒惑起。妖棘生。宮殿俱焚。

十四年。北兵來。君王被擄。
亂紛紛。朝廷內。各有評論。
景皇帝。嗣大統。國號景泰。
奉英宗。稱上皇。千里遙尊。
于少保。示羣臣。不遷定議。
上皇歸。辭登極。兄弟安寧。
有脚城。金銀豆。恣情供樂。
廢兄子。立見濟。易儲議典。
見濟死。景泰崩。上皇復位。

于謙等詔下獄。幾至加刑。賴太后念其功。力言勸止。狼石亨謀不軌。大辟罪成。坐龍庭。又八年。改元天順。連登極。計將來一十四春。子憲宗。純皇帝。嗣興繼統。事兩宮。能竭力。仁孝彰聞。可惜者。寵貴妃。不無遺議。信汪育。立西敵。也算佻輕。

弘治起。憲宗子。承乾卽位。

遠小人。近君子。觀象三星。

正德君。親劉瑾。威靈赫奕。

滿朝廷。衆百官。議論紛紜。

貪酒色。逞淫刑。君臣懷忌。

欲巡行。舒芬諫。杖及百人。

大禍起。蕭牆間。寧王造反。

昏迷了。十六載。幾壞長城。

武宗弟。興獻子。迎登寶位。

制箴言十六字。彷彿傳心。除佛像。重先師。張璁正論。不二年。信奸佞。繼盛疏成。莊皇帝殺方士。天下稱快。顯皇帝能果斷。想望昇平。乾清宮有男子。假稱內使。高閣老。霎時間。幾至捐生。張居正。可笑的。攬權一事。海剛峰。杖御史。刑法重申。

諫立儲。衆朝臣紛如聚訟。妖書發。淚泣下。天性生成。有男人闖東宮。張差名號。詔凌遲。餘不必罪及良民。仁德主。又過了四十七載。升遐後。泰昌帝坐了龍廷。恨奸臣李可灼。紅丸藥進。半夜裏。喧傳道。聖駕殞崩。可怪的。李選侍。欲圖輔政。

虧殺是楊漣輩自有支分。
愍皇帝號天啓嗣登龍位。
倦政事任璫人終日昏昏。
魏忠賢竊權柄肆行誅戮。
有客氏係乳母扇惑君心。
降的降誅的誅忠良殆盡。
陞的陞轉的轉逆黨橫行。
更有個崔呈秀逢迎獻媚。
制溺器鑄名姓喪盡良心。

七年中昏沉沉天翻地覆。
因無子立信王寶位相承。
禁奢靡性慈祥清心寡慾。
簡嬉遊甘衣素重道崇文。
那知道李闖反兵威日熾。
文和武都不顧國勢伶仃。
逼京師侵內地支撐不住。
甲申年惟三月十九捐生。
臨終時猶誡道毋傷百姓。

恨諸臣不竭力。失了朝廷。

天付與。大清朝。千秋萬歲。

總江山大一統。永永昇平。

雖說道。他人事。不勞打算。

細思來。古與今。理數堪論。

偶然間。將明紀。揮毫弄筆。

有何妨。放些閒。說古談今。

西江月

千古興亡成敗。一場雪月風花。殘篇斷簡總堪查。到

底終成古話。箇箇爭名爭利。人人求富求華。算來

只飽一烏鴉。不見當年王謝。

只於一息無不見當平王備

知身取古謂之禮而各平休夫入家言來

檀几叢書卷七

武林 王 暉 丹麓輯

天都 張 潮 山來校

釋奠考

臨海洪若臯虞鄰著

禮記凡始立學必釋奠於先聖先師。釋者釋菜。奠者奠幣也。月令仲春上丁命樂正習舞釋菜。凡祭用菜而無幣謂之釋菜。菜者蘋蘩之屬。春用仲時之正也。日用丁。文明之象也。學記大學始教。皮弁祭菜。周禮

大胥春入學舍菜。習舞舍。卽釋也。釋菜祭菜舍菜。同一義也。先聖先師者。凡祭以先聖爲主。以先師配之也。虞夏商制不可考。周立四代之學。虞庠以舜爲先聖。夏序以禹爲先聖。殷校以湯爲先聖。東膠以文王爲先聖。各取當時之左右四聖者。以爲先聖。周靈王二十一年。孔子生。漢高帝十二年。以大牢祀孔子。祀於其家。非祀於學。至景帝末。文翁立學宮於成都。首祀孔子。又畫七十二子之像於壁。實陰開萬世釋奠之宗也。元帝時。賜孔霸。禹爲褒成君。奉孔子。後此孔

後受封之始也。平帝元始時。謚孔子爲褒成宣尼公。此追謚孔子之始也。東漢明帝永平二年。詔太學及天下學校。皆祀周公爲先聖。孔子爲先師。配享。此祀孔子於學之始也。三國魏齊王芳正始時。停周公祀。專祭孔子於辟廱。以顏回配享。此學宮專祀孔子。顏回配享之始也。唐高祖武德二年。詔國子學。仍以周公爲先聖。孔子爲先師。太宗貞觀二年。從房玄齡請。停周公祀。仍以孔子爲先聖。顏回爲先師。配享。二十一年。以左丘明。卜子夏。公羊高。穀梁赤。伏勝。高堂

生戴聖毛萇孔安國劉向鄭眾杜子春馬融盧植鄭
 玄服虔王弼何休王肅杜預范甯賈逵二十二人從
 祀孔子廟堂此經師從祀之始也子夏從祀自此始高宗永
 徽中復改祀周公為先聖孔子為先師配享顏回左
 丘明從祀顯慶二年從長孫無忌等議周公鴻業左
 從王者祭祀不宐以儒官就享孔子道綜千聖百人
 之全不宐俯入先師應仍停周公祀以孔子為先聖
 自是學宮專祀孔子乾封元年贈孔子為大司寇總章元年贈
 顏回為太子少師曾參為太子少保並配享孔子廟

此曾參配享之始也玄宗開元詔祀先聖樂用九章

舞用八佾八年從司業李元瓘請以顏回閔損冉耕

仲雍宰予端木賜冉求仲由言偃卜商並塑像坐侍

列享在二十一人之上此十哲配享之始也顏回自魏時已

塑像立侍今坐侍二十二經師內陞子夏故云二十一人曾參大孝亦塑像坐於

十哲之次陞曾參次於十哲并圖畫七十弟子及二十一經

師之像於廟壁詔弟子皆從祀此七十子從祀之始

也三十七年謚孔子為文宣王孔子追王始此贈弟子為公

侯伯宋太祖建隆三年詔廟門立戟十六真宗咸平

諡為立聖文宣王。五年改至聖封叔梁紇為齊國公。顏氏

魯國太夫人。加封弟子侯伯。仁宗景祐元年詔釋奠

用登歌。至和二年封孔子後為衍聖公。衍聖公自此始神宗

元豐六年封孟軻為鄒國公。七年詔同顏子配食宣

聖。此孟子配享之始也。又以荀况楊雄韓愈從祀。韓愈

從祀自此始又詔天下學校並塑孔子及配享像。塑孔子四配十

哲哲宗元祐二年詔躋子思從祀。此子思從祀之始

也。子思原不在七十子之列徽宗大觀四年詔先聖廟用戟二十

四。崇寧四年孔子像改用冕十二旒服九章。繪圖頒天下學

宮悉以王安石配享孔子位次孟軻。政和二年封王

安石為舒王。王雱為臨川伯。從祀五年。詔兗州孟子

廟以樂正子配享。公孫丑以下從祀。欽宗靖康元年

從祭酒楊時言罷王安石配享。王雱從祀。度宗咸淳

三年以顏回曾參孔伋孟軻配享。顏曾思孟四配自此不易邵雍

司馬光從祀。邵雍司馬光從祀自此始又陞顓孫師於十哲。陞子張於

十哲元成宗大德十一年加封孔子大成至聖文宣

王。仁宗皇慶二年詔以周敦頤程顥程頤張載邵雍

司馬光朱熹張拭呂祖謙及許衡從祀。周敦頤程顥程頤張載朱

熹張拭呂祖謙許衡從祀始此延祐三年追封孟子父為邾國公母

為邾國宣獻夫人明宗至順元年加封宣聖父齊國

公叔梁紇為啓聖王母魯國太夫人顏氏為啓聖王

夫人封宣聖夫人元官氏為大成至聖文宣王夫人

明太祖洪武初孔子封爵仍元國學每月朔望令祭

酒行釋菜禮春秋二仲遣官釋奠文廟春秋二祭始此四年令

進士釋褐詣國學行釋菜禮十五年詔天下儒學通

祀孔子頒釋奠禮天下學校春秋二仲祭聖始此二十九年從行人

司副楊砥請黜楊雄從祀進董仲舒董仲舒從祀自此始成祖

永樂八年正文廟聖賢繪塑衣冠英宗正統二年以

胡安國蔡沉真德秀從祀胡安國蔡沉真德秀從祀自此始八年追

封元吳澄為臨川郡公從祀憲宗成化十三年用尚

書周嘉謨議祀孔廟加籩豆為十二樂八佾自唐始十二籩豆自此

始二年封董仲舒為廣川伯胡安國建寧伯蔡沉崇

安伯真德秀浦城伯孝宗弘治八年封宋楊時為將

樂伯從祀楊時從祀始此黜吳澄從祀祭酒謝鐸以吳澄著述雖多行檢可議

世宗嘉靖九年張孚敬博採羣議釐正祀典改孔子

塑像為木主塑像之非議始于宋朱熹元姚燧明宋濂林鶚丘濬封王之非議始于明大學

禮記叢書 釋奠考 五

士吳沉及去大成文宣王之號。題曰至聖先師。孔氏布政夏寅。之神位。加謚之非議。始於元姚燧明丘濬。諸弟子俱去封號。改四配

十哲之像為木主。四配題曰復聖顏子之位。宗聖曾子之位。述聖子思子之位。亞聖孟子之位。十哲閔損

冉耕仲雍宰予端木賜冉求仲由言游卜商顓孫師。俱稱先賢某子之位。七十弟子內申黨申枏共一人。

公伯寮秦冉顏何林放蘧瑗非聖門弟子。程敏政議去申黨存申枏。黜公伯寮秦冉祀顏何林放蘧瑗於其鄉。

史記秦冉字開家語云無此人史記顏何字冉魯人兩廡從祀者澹臺滅明原

憲南宮适判伯商瞿字子木漆雕開蔡人滕伯平與侯司馬耕楚丘

侯有若平陰侯巫馬期史記作施旂顏辛陽穀侯曹卹字子循蔡

人公孫龍字子石衛人秦祖字子南秦人少顏高字子驕雷澤侯

壤駟赤字子徒秦人長於詩石作蜀字子明成紀人石邑伯成紀侯

公夏首字子乘鉅平侯后處字子里齊人榮伯奚容蒧古點字字子哲濟陽侯

顏祖字襄句井疆音鉤音衛人秦商字子丕楚人公祖句音鉤音茲字子之即

墨縣音成成字子燕汲字思漁顏之僕字叔寬樂欬字子

平侯狄黑字哲衛人孔忠字子蕩孔子兄公西蒧字子尚徐成侯

施之常字子恒秦非字子之申枏上蔡侯顏會史記作噲字子聲高唐侯

禮記釋奠考

宓不齊公冶長高密侯公皙哀字季次齊人高柴共城侯

樊須公西赤鉅野侯公良孺字子正公肩史記作堅定字子

人鄭音單單字子罕父黑字子索榮旂字子左人郢字

南華鄭國字子原亢字廉潔字庸衛人叔仲會字子

人邾音英字子公西與字子陳亢琴張步叔乘字子

人博共五十四人內屬魯人不書地伯爵係唐俱稱

先賢某之位按七十二賢人姓名家語文翁壁圖史

顏路曾皙四配十諸儒罷賈逵附會戴聖貪鄙皆本

荀况言性王弼尊老杜預建短馬融黨附勢家皆劉

向著洪範五行最為舛何休春秋訓詁黜周王蕭

以文適司馬昭又為司馬師等九人祀鄭眾盧植鄭

畫策以濟其惡皆程敏政言以五人雖無過所行未能窺聖

玄服虔范甯於其鄉門所著未能明聖學亦程敏政

言兩廡從祀者左丘明公羊高穀梁赤俱春秋高堂

生儀毛萇詩伏勝孔安國皆書董仲舒春秋杜子春周

韓愈周敦頤程顥程頤邵雍張載司馬光楊時朱熹

呂祖謙胡安國張拭蔡沉真德秀許衡二十四人俱

稱先儒某之位嗣又增后蒼禮記經師本王通胡瑗

亦本程歐陽修張孚敬又從行人薛侃議併進陸九

禮記卷七

二

淵從祀。改稱大成殿為先師殿。禮用八簋八豆。樂用六佾。十二簋豆八佾之非議始於明祭酒章懋及夏寅春秋二仲上丁行禮。

又立啓聖公祠。祀叔梁紇。題曰啓聖公孔氏之位。以

顧無繇。祀國公曾點。菜蕪侯孔鯉。泗水侯孟孫氏。邾國公配享。

稱先賢某氏之位。以顏路曾皙在兩廡子不先父食議始於宋洪邁明宋濂解縉繼言

之程瑚。朱松。蔡元定。從祀。稱先儒某氏之位。春秋二

祀。先期祭啓聖祠。通行天下學校。隆慶五年。以薛瑄

從祀。萬曆十二年。以王守仁。陳獻章。胡居仁。從祀。二

十三年。以宋周惇頤。父周輔成。從祀啓聖祠。皇清

因之。但增祀諸儒。或議王通。僭經。程子曰。文中子續

經甚謬。朱子曰。文中子以董常為顏回。儼然以孔子

自居。其所說性理。大本領處。全未理會。蓋誕妄之流

也。陸九淵尊尚告子。棄實踐而驚空虛。則異端之流

若歐陽修。不過文人耳。楊時曰。孟子道性善。永叔却

言聖人教人。性非所先。彼論別是非於性分內。全無

見處。朱子曰。歐陽公讀書。只把來做文章。都不曾向

身上做工夫。平日只是吟詩飲酒。戲謔度日。據此殆

蘇長公之流耳。又王守仁。陳獻章。胡居仁。俱昧於久

而論定之義。凡此皆當時之公論也。又嘉靖時福建
 提學副使金賁亨疏稱宋儒羅從彥學於楊時李侗
 學於羅從彥。朱熹學於李侗。實濂洛正派。今楊時朱
 熹從祀。獨遺從彥李侗。誠為缺典。時因祀典已定未
 行。萬曆初福建提學金居敬賁亨子前後福建提學再請。已經
 從祀。未載入會典。今天下學宮仍闕。又親受業於聖
 人者稱先賢。從七十二賢人之賢而稱之也。非孔子
 弟子及異世私淑者。槩稱先儒。所以別於門弟子也。
 先賢同時人。不論後先。若先儒自應以時代次序。崇

禎時。以周敦頤程顥程頤邵雍張載朱熹六子。改為
 先賢。位漢唐諸儒之上。倒置時代。於理不順。又當日
 置木主時。十哲書子不書名。兩廡諸賢。則直書其名。
 按四科。不過當時偶記。從陳蔡諸賢耳。兩廡中不見
 論語者。無論已。如有若。必不齊。漆雕開。公西赤。原憲。
 南宮适。澹臺滅明。公冶長。司馬耕等。亦未嘗確見其
 於四科。有差等也。遽加以書名不書名之分。似屬未
 安。况顥孫師可陞。諸賢獨不宐陞。當日議禮者。不無
 留其實。是皆有俟於國朝聖君賢相。斟酌至當而

更定之也。近或有議增從祀。漢田何爲易經師。宋陳澔爲禮記經師。及范仲淹。魏了翁。尹焞。何基。王栢。暨明羅倫。羅洪先者。此事甚大。須歷世愈久而愈無遺議。斯善矣。若夫明世宗釐正典禮。原係張孚敬參考百王之是非。博稽衆論之異同。著爲不易之典。誠質諸鬼神而無疑。百世以俟聖人而不惑者也。按周禮大司成掌成均之法。凡有道有德者。使教焉。沒則祭於瞽宗。此祀先師之義也。虞夏商周有先聖。復有先師。俱以當代之君相爲之。至東漢明帝始祀孔子爲

先師。仍配享先聖周公。均失周禮先師之義。今盡去歷代謚號。取唐至聖二字。加古先師之名之上。合爲至聖先師。義盡理當。無過於此。蓋聖人道同天地。不可追謚。彼褒成文宣。立聖大成之號。明成化時。復欲加以神聖廣運之稱。愈繁愈不尊矣。彼之言曰。稱先師。猶之稱天稱地云耳。豈非識冠今古哉。若夫塑像之說。自佛教入中國始。使聖人而在。其能不鄙之乎。况搏土而肖。長短豐瘠。郡異縣殊。其褻甚矣。明太祖始建南京太學。卽易塑像爲木主。其時雖未經頒行。

天下亦至聖精靈所默佑。啓其端耳。至春秋吳楚僭王。夫子黜之。生爲人臣。沒而加以十二旒。十二章。冕服於其躬。神其妥之。否借曰尊聖也。天降下民。作之君。作之師。師者君之所不得而臣也。故曰詔於天子。無北面。其與虛加王爵孰隆哉。其邊豆易十二爲八。樂侑易八爲六。亦避天子之禮。不得不然。天子以下固無論也。後世猶有議者。以爲從位言之。不但八侑僭。卽六侑亦僭。若然。則必考司寇品級而定其羽數。然後可。亦惑甚矣。或又以祭從主者。天子祭自應用。

檀几叢書卷八

武林 王 晔 丹麓輯

天都 張 潮 山來校

臚傳紀事

吳郡繆彤念齋著

二月初九日第一場。坐淡字號。初十日卯刻。大風出貢院門。有旗下小廝牽予裾云。新科狀元來了。吾家裏人都要出來看。予頗異之。亦不解其故。十二日第一場。坐珠字號。夜夢外祖語予曰。吾掌海中珍寶。予

叩曰珍寶誰爲第一。外祖云飛錢爲第一。又以牙笏授予。二十六日榜發。中式三十六名。予寓報國寺西廊第一房。丁酉八月在此舉鄉試。丁未復至此舉會試。未發榜前一兩日。予心怏怏。遂束裝作歸計。二十五日至殿前古松下。默祝云。公車五次。今科不中。以後不作進取想。竟與松長別矣。又與三弟及寺中同寓黃繼武馬殿開輩。作別後。遂出寺門。住張家灣。行里許。遠遠見一人騎而來。兩手抱金字牌二。有狀元及第四字。忙向彰義門走。與予騎交臂過。予在馬上。

回顧。又有假滿還朝四字。予心疑焉。過同郡汪茗文寓別之。因問頃所見者。必史及超。徐公肅嚴就思三先生進京茗文云。三公無一來者。予豈夢見耶。適邵無盡李經園與星士方伯瞻在座。談星學。茗文亦自負精於星理者也。索予造觀之。予急欲至張灣。遂別去。是日僅至海岱門外許家店宿。二十六日早榜發。有名仍歸報國寺。予至松下。長揖謝之。三月二十日殿試。禮部儀制司員外俞有章唱名。名數單者從左掖門入。雙者從右掖門入。予三十六名當在右。由貞

慶門至太和殿前行三拜九叩頭禮。內院官置黃棹於丹陛。卽擡下丹墀。禮部散題紙。諸進士跪受。又行三叩頭禮。然後就坐。讀卷官十四員。爲大學士巴泰、李蔚、學士明珠、劉秉權、劉芳躅、田逢吉、吏部左侍郎馮溥、右侍郎王清、都察院左都御史王熙、禮部左侍郎黃機、戶部左侍郎嚴正矩、禮部右侍郎曹申吉、兵部左侍郎劉鴻儒、刑部左侍郎馬紹曾。二十一日到禮部。領三枝九葉帽頂。宿鴻臚寺。二十二日。五鼓入朝。至午門候傳臚。是日微雨。

皇上升殿時。雨稍甚。先一日傳某人狀元。某人榜眼。某人探花。彤已無望。不過隨班行禮而已。及至太和殿前。與諸進士跪丹墀下。聽三唱第一甲第一名係彤名。每一唱已。必鼓樂良久。彤心中猶疑非是。不敢出班。禮部官掖之前。然後出班跪。跪稍遲。傳制官已唱第二名。糾儀御史於次日疏云。第一名繆彤未跪。卽唱第二名張玉裁。傳制官應聽處分。奉旨罰俸三個月。良以書生未習。

朝儀因累執事官於心甚不安。也是日唱名畢。行三

跪九叩頭禮。彤隨禮部堂上官捧黃榜從御道出。跪置龍亭內。鼓樂迎至東長安門。張掛順天府。府尹李天浴。府丞高爾位。迎彤與張玉裁董訥等三人至殿內。簪花酌酒。用儀從迎至順天府赴宴。先望闕叩頭。府尹府丞率僚屬對立。行四拜禮。然後就席。彤坐正席。榜眼探花左右坐。俱南向。用教坊樂徹席。望

闕謝恩。府尹府丞親送至寓。寓中設席款之。二十四

日同張董兩同年求謝

恩表。舊例前科狀元代作。所以尊前輩。以其知體式也。甲辰科狀元嚴就思先生給假歸上。而已亥徐立齋乙未史立菴兩先生皆在籍。應求前科榜眼探花。而李貞孟吳長庚兩先生亦在籍。惟辛丑榜眼李子靜先生在任。彤與張董兩同年登堂求見。投門生帖。用贄儀二十四金。賞長班管家銀八兩。俱照例也。是時鼎甲中最資深者。金沙蔣虎臣先生。係丁亥探花。因已丑有熊次侯先生。戊戌有孫惟一先生。皆在任。

虎臣先生云李子靜應讓孫惟一。孫惟一應讓熊次侯。熊次侯應讓不佞。不佞代求李子靜。此乃衙門之體。一時前後輩俱歎服。蔣先生之言良是。二十五日到禮部與恩榮宴。讀卷官自滿漢大學士以下。收卷官掌卷官自翰林科部以下。監試御史及巡緝供給各官俱與宴。

皇上遣內大臣佟國舅陪宴。彤一席。榜眼探花一席。諸進士四人一席。用滿洲桌。銀盤菓品食物四十餘品。皆奇珍異味。極天廚之饌。

御賜酒三。鼎甲用金碗。隨其量盡醉無算。宮花一枝。小絹牌一。面上有恩榮宴三字。狀元用銀牌。四月初二日午門外。賜彤袍帽。水晶金頂涼帽一頂。鑲蟒石青朝衣一件。玳瑁銀帶一條。和包牙筒刀子俱全。馬皮靴一雙。當時更易。率諸進士行三拜九叩頭禮。榜眼探花以下俱折鈔五兩。初六日着賜袍入朝。親捧謝恩表。跪丹墀下。內閣收進。匣用黃綾包。用銷金龍袱。初七日國子監釋褐。鴻臚寺官引彤至先師神位前行釋菜禮。奠三爵及四配。伏位次引榜

眼探花至十哲神位前。東西分奠爵。伏位。引二甲第一名奠東廡。三甲第一名奠西廡。伏位。同行禮。畢。至彝倫堂。拜大司成。大司成坐正位。在本監中式者。行四拜禮。餘俱兩拜。大司成請鼎。甲上堂。酌酒三杯。鼓樂送出。二十日。吏部引見。二十二日。奉旨授彤書院修撰。張玉裁。董訥。俱授編修。二十四日。吏部宣旨。二十五日。入朝。謝恩。至內院。見滿漢大學士。行一拜三叩頭禮。舊規。兩拜六叩頭。大學士受一答。一。今滿州大學士。省

答拜之禮。止行一拜禮。見學士。二揖。卽出。二十八日。同張玉裁。董訥。到任。先謁孔廟。次謁土地祠。土地神爲韓昌黎先生。謁畢。卽至內院。報到任日期。典籍移咨吏部。開俸。是日。選庶吉士。二十九日。奉旨。帥顏保。范承謨。教習庶吉士。三十日。到教習老師處。投帖。五月五日。大會同館諸同年於金魚池。十五日。到內院。請進館日期。問大學士親自送否。如親送。則設席多。不親送。設席少。大學士李公問范老師。范老師又問諸門生。自酌定可也。李公云。此衙門大典。

禮。自辛丑

世祖章皇帝賓天。故不行。甲辰應行而不行。今科不行。此禮必廢。但今科鼎甲三人。庶常十二人。多寒士。此舉甚費。如何。十九日早齊赴翰林院。投教習老師請啓。以次投中堂各前輩。啓二十六日。進衙門。午時。候教習老師大到任。三鼎甲與諸庶常迎老師於二門外。打躬。老師進後堂。諸同年拱立聖廟前。候老師同行。二跪六叩頭。次至土地祠。同老師行一跪三叩頭。禮入川堂。兩位老師交拜。卽坐川堂。是爲丹地。滾嚴。

鼎甲庶常左右分班。彤領左班。次董訥。次史鶴齡。次夏沅。次丁蕙。次謝兆昌。次唐朝彝。次劉澤溥。張玉裁領右班。次潘翹生。次張英。次儲振。次盧琦。次楊仙枝。次王曰溫。排班東西向立。轉向上行。兩跪六叩頭。禮。老師受一答。一仍分班侍。同館交拜。行兩跪六叩頭。禮。老師升公座。簽押。諸年兄俱簽押畢。出至大堂。候老師退後堂。請庶常號。書出。老師退火房。是爲修吉堂。前卽五雲深處。請鼎甲號。書所以優鼎甲也。三學長該達多奇那思泰與彤等交拜於川堂。然後請老

師上席。席設後堂。席散歸寓。放假三日。然後進館讀書。

附禮部頒行臚傳儀制

康熙六年三月二十二日狀元傳臚出榜儀注

是日早

鹵簿大駕全設。王以下。公以上。在丹陛上。文武各官。在丹墀下。俱穿朝服。排立。諸貢士俱穿朝服。戴三枝九葉頂。在丹墀下序。各官兩翼排立。禮部鴻臚寺官。將設黃榜案六張。設於

太和殿內。東傍復設黃案一張於丹陛上。正中排立。齊畢。禮部官奏請

皇上具禮服。將陞太和殿。作樂。既陞入殿。聽贊禮官贊。鳴鞭三下。內院官自黃案捧榜。在

殿簷下。授與禮部官。禮部官跪接。由中階左傍下跪。

安置於丹陛中黃案上。行三叩頭禮。畢。鴻臚寺官引諸貢士。至行禮處。次第排立。鴻臚寺官贊。

有

制。諸貢士跪。贊禮官在丹陛上。東傍次第立。傳

制曰奉
天承運。

皇帝制曰。康熙六年三月二十日。直隸各省貢士。以策題考試。第一甲賜進士及第。第二甲賜進士出身。第三甲賜同進士出身。贊第一甲第一名。某人。狀元。上前跪。贊第一甲第二名某人。榜眼。亦上前跪。贊第一甲第三名某人。探花。亦上前跪。又贊第二甲某人等若干名。第三甲某人等若干名。贊畢。聽贊禮官贊。就跪行三叩頭禮。又

二跪行六叩頭禮。畢。各退原處。兩翼排立。贊禮官贊舉榜。禮部官捧榜。由中階捧出。

午門前跪置。

龍亭內。行三叩頭禮。校尉舉起。教坊司作樂。舉至東長安門外。張掛於長安街。狀元及諸進士等。隨出觀榜。鑿儀衛官贊。鳴鞭三下。

至。上還宮。王以下。文武各官。皆出。順天府官。備傘蓋。儀從。送狀元歸第。

大承
繪於茲米元龍策

至士懸宮王以不文苑各官昔出訓天麻官荷傘蓋

山脚樹鑿鎗滿官贊魚鱗三不

東具安門收飛什飲具安海米元及前裝士善觀

齋亭內行三甲取甄妙保舉法幾其同非樂舉至

平門前甄器

官贊泉樹甄濟官林樹山中割林出

之測行六甲取甄畢各懸泉鼓兩翼持立贊甄

